



ԱՄԱՆՈՐԻ ԵՎ ՓՐԿԶԻ ՀՐԱՇԱՓԱՌ ԵՎ ՍՈՒՐԲ ԾՆՆԴՅԱՆ
ՏՈՆԵՐԻ ԱՌԹԻՎ ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ
ՊԱՏՐԻԱՐԷ ԵՎ ԿԱԹՈՂԻԿՈՍ, ՆՈՐԻՆ ՍՈՒՐԲ ՕԾՈՒԹՅՈՒՆ
Տ. Տ. ՎԱԶԳԵՆ Ա. ՀԱՅՐԱՊԵՏԻ ԵՎ ՔՈՒՅՐ ԵԿԵՂԵՑԻՆԵՐԻ
ՀՈԳԵՎՈՐ ՊԵՏԵՐԻ ՄԻՋԵՎ ՓՈԽԱՆԱԿՎԱԾ ՈՂԶՈՒՅՆԻ
ՀԵՌԱԳՐԵՐՆ ՈՒ ԳՐՈՒԹՅՈՒՆՆԵՐԸ*

Զերդ Սրբություն.

Հայտնում ենք Ձեզ Մեր սրտագին շնորհակալությունները այն բարի մաղթանքների համար, որ հղել էիք Մեզ՝ մեր Տեր և Փրկիչ Հիսուս Քրիստոսի սուրբ Ծննդյան փառավոր տոնի առթիվ: Մեծապես զգացվեցինք Ձեր եղբայրական սիրո այդ ջերմ վկայությունից:

Այս նոր տարվա սեմին Զերդ Սրբության, ձեր հոգևոր դասի և ձեր հավատացյալների նկատմամբ Մեր տածած սիրո արտահայտությունը հանդիսացող Մեր բարի մաղթանքները վստահում ենք Նրան, ով հայտնեց մեզ խաղաղության ավետիսը Հիսուս Քրիստոսի միջոցով: Թող Նրա շնորհը, որ փրկության աղբյուր է բոլոր մարդկանց համար, առատապես հալոնվի մեր մեջ և մեզ ապրեցնի այս աշխարհում որպես հավատարիմ վկաները՝ Նրա ճշմարտության, ողորմածության և արդարության, որպեսզի մենք կարողանանք Նրա խաղաղության և հաշտության խոնարհ ծառաները լինել ամբողջ աշխարհի մարդկանց միջև:

Մենք հույս ունենք մանավանդ, որ այս տարին կլինի արդյունավետ տարի կաթողիկե եկեղեցու և օրթոդոքս եկեղեցիների միջև գոյություն ունեցող հարաբերությունների խորացման տեսակետից և կնշի մի նոր հանգրվան բոլոր քրիստոնյաների միության վերակազմության ճանապարհին:

Այս զգացումներով, սիրելի և մեծարգո Եղբայր Մեր, վերստին հայտնում ենք Ձեզ Մեր եղբայրական սիրո ամենաջերմ զգացումներն ի Քրիստոս:

ՎԱՏԻԿԱՆ

ՊԱՊ ՊԱՎՂՈՍ Զ

* Տե՛ս նախորդ համարի 10-րդ էջը:

Զերդ Սրբություն.

Երկյուղածությամբ, սուրբ հուզումով և եղբայրաբար գալիս ենք Մեր այս տոնական համակով Զերդ թանկագին և սիրելի Սրբության հետ միասին հրճվելու այն մեծ ցնծության համար, որ հալտարարվեց մարգարեների կողմից անցյալում և հռչակվեց երկների հրեշտակների կողմից հովիվներին՝ բերելով Զեզ և ձեր սիրելի ժողովրդին մեր հարգանքն ու մատթանքները՝ Քրիստոսի ծննդյան մեծ և սուրբ օրվան առթիվ:

Թող մարդացյալ Տերը պարզեի Զերդ սիրելի Սրբությանը կատարյալ առողջություն, երկար տարիներ, իբր հովվապետը ձեր պատկառելի եկեղեցու, և տա Զեզ, ինչպես նաև համայն աշխարհին որպես հավատքի գործերի պարգևներ, հույս և սիրո առատություն, խաղաղությամբ և ուրախությամբ լի այս նոր տարվա ընթացքում:

Ողջագործվելով Զերդ Սրբությանը ի Քրիստոս, մնամք եղբայրական սիրով և մեծ հարգանքով՝

ԱԹԵՆԱԳՈՐԱՍ

Տիեզերական պատրիարք հունաց

ՄՍԱՄԲՈՒԼ

Զերդ Սրբություն.

Հոգեկան բարձր ուրախությամբ մեր ուղղափառ եկեղեցին դիմավորում է աշխարհի ամենամեծ և սուրբ իրադարձությունը՝ Քրիստոսի ծնունդը:

Մեր միտքը ամբողջությամբ ուղղված է դեպի սուրբ Մանուկը՝ մեր Փրկիչը, և մենք ծնրադիր խոնարհվում ենք Նրա մեծագույն և աստվածային սիրո, աննառելի իմաստության և ողորմության առջև:

Եղբայրական սիրով ողջունում ենք Զեզ, Քրիստոսի ծննդյան տոնի առթիվ, և հղում ամենալավ ցանկություններս: Թող Տերը Իր երկնային օգնությունը առատորեն պարզեի Զեզ:

Թող ծավալվի մեր սրտերում, կյանքում և ողջ աշխարհում Քրիստոսի աստվածային վարդապետությունը, բանականության և իմաստության ոգին:

Թող աշխարհում ծաղկի մարդկային բարօրությունը, բոլոր ժողովուրդների միջև՝ խաղաղությունը, եղբայրությունը, սերը և բարի գործերը, ճշմարտությունն ու սրբությունը:

Այս խոհերով և երանավետ ցանկություններով դիմում ենք Զերդ Սրբությանը՝ խնդրելով Ձեր սուրբ աղոթքների մեջ եղբայրական միություն ի Քրիստոս:

Զերդ Սրբությանը նվիրյալ եղբայր ի Քրիստոս՝

ԱԼԵԶՍԻ

Պատրիարք Մոսկվայի և համայն Ռուսաստանի

ՄՈՍԿՎԱ

*
* *

Ձերդ Սրբություն.

«Քրիստոս ծնաւ և յայտնեցաւ»:

Համայն մարդկության Փրկչի ա. Ծննդյան փրկարար տոնի առիթով, ողջունում ենք Ձեզ քրիստոնեական եղբայրական ջերմ զգացումներով՝ սրտագին շնորհակալություն հայտնելով Նոր տարվա և ա. Ծննդյան տոների առիթով Ձեր շնորհավորանքների համար:

Թող մարդացյալ Տերը խաղաղություն պարգևի աշխարհին և միություն՝ Իր եկեղեցուն, որին փրկեց Իր սուրբ արյունով:

Այս ուրախ առիթով ցանկանում ենք, որ մեր երկու բույր եկեղեցիների սիրո և եղբայրության կապերը է՛լ ավելի ամրապնդվեն Աստուծո փառքի համար, էկումենիկ ոգով:

Ձերդ Սրբության ի Քրիստոս եղբայր՝

ՆԻԿՈՂԱՅՈՍ Զ

Պատրիարք Ալեքսանդրիայի և համայն Աֆրիկայի

Ա Լ Ե Ք Ս Ս Ն Դ Ի Ա

*
* *

Ծատ ուրախ եղանք ստանալով տոնական Ձեր նամակը՝ լի սիրով, բարեմաղթություններով և ողջույններով:

Որպես պատասխան, ջերմ շնորհակալություն ենք հայտնում Ձերդ Սրբության զգացումների և բարեմաղթությունների համար:

Ծննդյան սուրբ Այրից ջերմորեն աղոթում ենք և հայցում մարդացյալ Տիրոջը՝ ամրապնդելու եղբայրական սերը Իր բոլոր եկեղեցիների միջև, միություն բերելու բոլորին, խաղաղություն հաստատելու աշխարհի վրա և բարյացակամություն՝ բոլոր մարդկանց հանդեպ:

Թող մեր աղոթքները լսելի լինեն, որպեսզի ամբողջ նոր տարվա ընթացքում երկնային օրհնություններով լցվի մեր կյանքը:

ԲԵՆԵԴԻԿՏՈՍ

Պատրիարք հունաց Երուսաղեմի

Ե Ը Ո Ւ Ս Ա Ղ Ե Մ

*
* *

Ձերդ Սրբություն.

Անձնապես Մեր և Անտիոքի ու համայն Արևելքի առաքելական եկեղեցու հոգևոր դասի և ողջ հավատացյալների անունից սրտագին շնորհակալություն ենք հայտնում Ձերդ Սրբությանը ա. Ծննդյան տոնի առթիվ Մեզ հղած Ձեր պատվական ուղերձի համար և փոխադարձաբար Մեր ջերմագին շնորհավորանքներն ենք հղում Ձեզ՝ մատթելով Ձերդ Սրբությանը, ինչպես նաև ձեր սուրբ եկեղեցու եպիսկոպոսական դասին և հոգևոր հոտին՝ երջանկություն, բախտավորություն և հաջողություն:

Աղաչում ենք մեր Փրկչին՝ աշխարհի մեղքերը կրողին, որ օրինի 1970 թվականը, որպեսզի Նրանով պատմության մեջ արձանագրվի մի նոր ժամանակաշրջան՝ լի երկնային շնորհներով, արդարությամբ, սիրով և տևական խաղաղությամբ՝ ի բարօրություն և հուրախություն երկրագնդի բոլոր ժողովուրդների:

Եղբայրական սիրով ի Քրիստոս՝

ԹԵՌԴՈՍԻՈՍ Զ.

Պատրիարք Անտիոքի և համայն Արևելքի

Դ Ա Մ Ա Ս Կ Ո Ս

*
* *

Ձերդ Սրբություն.

Մասնավոր ուրախությամբ և խորին երախտագիտական զգացումներով ստացանք և կարդացինք Ձեր սիրալիկ նամակը, որով ցանկացել էիք, մեր Տեր Հիսուս Քրիստոսի սուրբ Ծննդյան տոնի առթիվ, Մեզ հղել Ձեր շնորհավորանքներն ու բարի մաղթանքները:

Մեծապես զգացված Ձեր ազնիվ սրտի այնքան զգալուն արտահայտություններից, Մենք ևս կցանկանայինք, 1970 շնորհաբեր տարվա սեմին, նույնպիսի զգացումներ հայտնել Ձեզ՝ Մեր եղբայրական սիրո սուրբ համբույրը տալով Ձեզ և միաժամանակ արտահայտելով Ձեր անձի նկատմամբ Մեր ունեցած բարձր հարգանքն ու անկեղծանքը:

Աստվածահայտնության մոտալուտ տոնի առթիվ Մեր ջերմագին աղոթքներն ուղղում ենք դեպի Բարձրյալի գահը՝ Ձեր սիրելի անձի, Ձեր հովվապետական և առաքելական բազում և բազմապիսի գործունեության, ձեր սուրբ եկեղեցու եպիսկոպոսների, քահանայից դասի, բոլոր հավատացյալների, մեկ խոսքով՝ Ամենայն Հայոց Կաթողիկոսության համար՝ հայցելով երկնային ու երկրային անսահման մխիթարություն և աստվածային առատ օրհնություններ:

Մեր աղոթքները միացնում ենք Ձեր աղոթքներին, որպեսզի Քրիստոսի վառած եղբայրասիրության լույսը շողա բոլոր եկեղեցիների միջև, և խաղաղությունն ու արդարությունը վերահաստատվեն աշխարհի վրա բոլոր ազգերի միջև:

Վերստին հայտնելով Ձեզ Մեր սրտաբուխ մաղթանքները, խնդրում ենք ընդունել, շատ սիրելի Եղբայր, Մեր հարգալից և եղբայրական սիրո զգացումներն ի Քրիստոս:

ԻԳՆԱՏԻՈՍ Ա. ՀԱՅԵԿ Բ.

Պատրիարք Անտիոքի սիրիական կաթոլիկ եկեղեցու

ԲԵՅՐՈՒԹ

*
* *

Ս. Ծննդյան տոնի առթիվ Ձեր պատգամը ստացվեց ուրախությամբ: Մենք խորապես ուրախ ենք Ծննդյան և Նոր տարվա Ձեր ողջույնների ու բարեմաղթությունների համար և աղոթում Փրկչին՝ Ձեզ պարգևելու քաջատոջություն և երջանիկ հովվապետություն այս տոնական օրերի շնորհներով:

Ձերդ անկեղծորեն ի Քրիստոս՝

ԻԳՆԱՏԻՈՍ ՀԱԿՈԲ Գ.

Պատրիարք Սիրիայի օրթոդոքս եկեղեցու
և համայն Արևելքի

Դ Ա Մ Ա Ս Կ Ո Ս

Զերդ Սրբություն.

Մեր Տիրոջ ծննդյան խորհուրդը լրացրեց աստվածային խոստումը՝ փրկության համար՝ վերանորոգելով և եղբայրացնելով ամբողջ մարդկային ազգը:

«Ծնեալն ի Հօրէ նախքան զստեանս», «թող ուղղի մեր ոտքերը դեպի խաղաղութեան ճանապարհը» (Ղուկ. Ա. 69—70):

Մենք քրիստոնյա հավատացյալների բարձրաստիճան հոգևորականներս, պարտականությունը ունենք մեր հոգևոր որդիներին բարոգելու Աստուծո սերն ու ողորմությունը և ճշմարտությունը:

Աղոթենք և աշխատենք աշխարհի խաղաղության և մարդկանց մեջ բարի կամեցողության հաղթանակի համար:

Այս մտքերով և հույսերով, ս. Ծննդյան առիթով ամբողջ սրտով բարեմաղթում ենք Զերդ Սրբության քաջատոհմություն և հոգևոր ուրախություն և երջանիկ հովվություն 1970 թվականի ընթացքում: Մարդացյալ Աստվածորդին Իր անհամար ողորմությունը թող պարգևի հոգևոր դասին, ձեր սուրբ եկեղեցու հավատացյալներին՝ երջանկություն, հաջողություն, իսկ ամբողջ մարդկությանը՝ Իր ճշմարիտ և սուրբ խաղաղությունը:

Կամանք Զերդ Սրբության անձնվեր սիրող եղբայր և Զեզ կողջունենք և կհամբուրենք ի մարմնացյալն Քրիստոս:

ԺՈՒՍԽԻՆԻԱՆ

Պատրիարք Ռումինիայի

ԲՈՒԽԱՐԵՍՏ

*
* *

Զերդ Սրբություն.

«Եւ Բանն մարմին եղև և բնակեաց ի մեզ»:

Այս բառերով է, որ սուրբ Հովհաննես առաքյալը մեզ բերում է մեր Տիրոջ և Փրկչի՝ Հիսուս Քրիստոսի մարդեղության խորհրդի ավետիսը: Դարերից ի վեր քրիստոնյա ժողովուրդը ամեն տեղ գնծությամբ է ընդունել Աստուծո սիրուն այս մասնավոր հայտնությունը մարդկության հանդեպ: Այդ գնծության ոգով Մենք էլ ողջունում ենք Զեզ, սիրելի Եղբայր, Ծննդյան այս սուրբ օրերին:

Սուրբ Հովհաննես առաքյալը մեզ ավելին է պատմում. «Եւ տեսաք զփառս Նորա, զփառս իբրեւ զՄիածնի առ ի Հօրէ, լի շնորհօք եւ ճշմարտութեամբ»: Այդ փառքը, արդարև, բողարկված էր մարմնի մեջ, բայց հայտնի դարձավ հավատքի աչքերի համար, այնպես որ հովիվները և մոգերը շտապեցին Բեթղեհեմ՝ երկրպագելու ոչ թե մի մանուկի, այլ ամբողջ արարչագործության Տիրոջ:

Այսօր, ինչպես առաջին Ծննդյան առավոտը, փառքը պահված է, և շատերը չեն տեսնում այն: Մենք տխրությամբ ենք համակվում, երբ տեսնում ենք, որ շատերը անտարբերությամբ են անցնում այս ճշմարտության կողքով: Արդարև, մենք բոլորս էլ զգում ենք հանցանքի ճնշումը մեզ վրա և մտածում ենք, թե որքան քիչ ջանք ենք թափել, դարերից ի վեր, իրագործելու Տիրոջ հրամանը՝ բոլոր ազգերին Քրիստոսի աշակերտ դարձնելու մասին: Բայց մեր

զղջումի և մեր մի շարք թերացումների համար Աստված մեզ տալիս է վստահ և ստույգ հույսի միփթարանք: Նա, որի մարդեղությունը ողջունում ենք մենք այս օրերին, Տերն է ողջ արարչագործության, և Տերը բոլոր ժամանակների և հավիտենության: Արդարև, ինչքան գեղեցիկ է ասել սուրբ Աթանասը. «Աստուծո Խոսքը՝ Բանը, մարմին առավ, որպեսզի մարդը կարենա աստվածանալ»:

Մարմնացյալ Փրկչի հաղթանակի վստահ և ստույգ հույսով ողջունում ենք Ձեզ, սիրելի Եղբայր, այս Ծննդյան տոնի ուրախ ստիթով: Աղոթում ենք, որ Աստված առատորեն օրհնի Ձեզ, ինչպես նաև հայ եկեղեցու հոգևորականներին և ձեր հավատացյալ ժողովրդին:

Եղբայրական սիրով և ողջույններով, Ձեր սիրելի Եղբայր ի Քրիստոս՝

ՄԱՅՔԻՆ ՌԵՄՁԻ

Արքեպիսկոպոս Փենտրեբրիի, Եպիսկոպոսապետ
և միտրոպոլիտ համայն Անգլիայի

Լ Ո Ն Դ Ո Ն

*
* *

Ձերդ Սրբություն.

Մեր Տերը և Փրկիչը մարմնացավ, որպեսզի Իր մեջ և Իրենով նորոգի ամեն ինչ և փրկի մանավանդ մարդկային ցեղը: Նրա թանկագին և կենարար շնորհներն են խաղաղությունը, ուրախությունը, սրբագործությունը և պայծառ լույսը:

Այս ամենամեծ տոնի առթիվ ցանկանում եմ Ձեզ հղել իմ անկեղծ բարեմաղթությունները և աղոթել առ Աստված, որպեսզի խաղաղությունը թագավորի երկրի վրա, և մարդկությունը, որ հոչակում ու փառավորում է Փրկչին, ընդունի Նրա առատաբուխ շնորհները:

Թող մեր Տերը շնորհի Ձերդ Սրբությանը, ձեր հոգևոր դասին և ձեր հավատացյալ ժողովրդին այն ամենը, ինչ Դուք ցանկանում եք:

Ողջագուրում եմ Ձեզ սիրով և խնդրում եմ Ձեզ ընդունել իմ եղբայրական զգացմունքների հավաստիքը:

ՀԵՐՈՆԻՄՈՍ

Արքեպիսկոպոս Աթենքի և համայն Հունաստանի

Ա. Թ. ԵՆ Ք.

*
* *

Ձերդ Սրբություն.

Սրտագինա ողջունում եմ Ձեզ՝ Քրիստոսի ս. Ծննդյան առթիվ:

Գալիք՝ 1970 թվականը թող Քրիստոսի եկեղեցու և երկրի բոլոր բնակիչների համար լինի խաղաղության և պտղաբերության տարի: Ծնվող Տերը թող օրհնի Ձերդ Սրբությանը, պահպանի բազում տարիներ՝ ի փառս քրիստոնեական եկեղեցու:

ՍՏԵՖԱՆ

Միտրոպոլիտ Վարչավայի և համայն Լեհաստանի

Վ. Ա. Ր. Շ. Ա. Վ. Ա.

*
* *

Ձերդ Սրբություն.

Նորից, ինչպես անցյալ տարիներին, Աստուծո ողորմությունը մեզ մոտեցրեց խորհրդավոր օրվան, երբ երկնային Հոր բարեհաճությամբ Աստուծո Որդին մարդացավ՝ մարդկանց բարօրության համար:

Իր մարդեղությամբ Տերը մեզ Իր սերը ցուցաբերեց: Երկնային Հոր ուղարկած այդ շնորհները այս տոնական օրերին մեզ ոգևորում են և ուրախությամբ լցնում մեր հոգիները:

Այս օրերին մեկս մյուսիս շնորհավորելով, մենք խորը հիացմունքով մեր ձայնը միացնում ենք հրեշտակների փառաբանական ձայնին, որ երգեցին մեր Փրկչի ծննդյան գիշերը. «Փառք ի բարձունս Աստուծոյ, և յերկիր խաղաղութիւն, ի մարդիկ հաճութիւն»:

Ձերմ սիրով և հարգանքով սրտագինս ողջունում եմ Ձեզ և շնորհավորում Ձերդ Սրբությանը և ձեր Հայաստանյայց առաքելական ս. եկեղեցուն՝ ս. Ծննդյան և Ամանորի առթիվ:

Ամենայն խոնարհությամբ աղոթում ենք մեր Տիրոջը, որպեսզի Ձերդ Սրբությանը պարգևի առողջություն, երկար կյանք՝ ի պայծառություն և բարօրություն Հայաստանյայց առաքելական սուրբ եկեղեցու և երկրի վրա խաղաղության հաստատման համար:

Ձերդ Սրբության նվիրյալ ի Քրիստոս՝

ԴՈՐՈՖԵՅ

Միտրոպոլիտ Պրագայի և համայն Չեխոսլովակիայի

Պ Ր Ա Գ Ա

*
* *

«Փառք ի բարձունս Աստուծոյ և յերկիր խաղաղութիւն»:

Հրեշտակներուն այս ավետիսով է որ կու գանք Ձեզի հայտնելու Մեր եղբայրական ջերմ շնորհավորությունները, Ամանորի, սուրբ Ծննդյան և Աստվածահայտնության տոներու առթիվ, մաղթելով բարօրություն, երջանկություն, բազմաթիվ հոգևոր և ժամանակավոր մխիթարություններ և գործոց հաջողություն:

Տարին կսկսինք «Խաղաղութեան Համաշխարհային օրով»: Իցիվ թե Արդարության Արեգակին հետ երկրիս վրա ծագած խաղաղությունը վերստին տարածե իր ճառագայթները համայն աշխարհի վրա, հրավիրելով մարդիկը հիմնելու, Աստուծո և ընկերին սիրույն վրա, իրենց փոխադարձ հարաբերությունները:

Մենք կաղոթենք որ այս պայծառ Արեգակը լուսավորե ամենուրեք հայ ազգին զավակները՝ որպեսզի, խաղաղության պտուղները վայելելով, մայր հայրենիքին մեջ և ի սիրտուս աշխարհի, կարենան հառաջդիմել և երջանիկ ըլլալ:

Հաճեցեք, Վեհափառ Տեր, ընդունիլ Մեր եղբայրական և հարգավիր ողջույնները:

ԻԳՆԱՏԻՈՍ ՊԵՏՐՈՍ ԺԶ ՊԱԹԱՆՅԱՆ

Պատրիարք կաթողիկե հայոց

Բ Ե Յ Բ Ո Ւ Թ

«Օրհնեալ Տէր Աստուած Իսրայէլի, զի յայց ել մեզ, եւ արար փրկութիւն ժողովրդեան իրում» (Ղուկաս Ա 68):

Սուրբ Ծննդյան տոնի առթիվ հղում եմ Ձեզ ուրախության պատգամն աստիճանին փրկագործության՝ ի ձեռն Հիսուսի Քրիստոսի:

ԲԼԵՅԿ

Եկեղեցիների համաշխարհային խորհրդի
ընդհանուր քարտուղար

ժ Ն Ե Վ

Զերդ Սրբություն.

Ա. Ծննդյան տոնի առիթով հալտնում եմ իմ սրտագին բարեմաղթությունները Ձեզ՝ Ամենայն Հայոց Հայրապետիդ, և ցանկանում, որ մեր եղբայրական համագործակցությունը ի Քրիստոս ամրապնդվի՝ ի փառս մեր քրիստոնեական սուրբ հավատքի և ի բարօրություն համայն մարդկության, որպեսզի Քրիստոսի խաղաղությունն ամրանա բոլոր ժողովուրդների միջև, և վերանան չարիքն ու մեղքը:

Միշտ սիրով և անձնապես հիշելիս Ձեր այցելությունը Վիեննա՝

ՅՐԱՆՑ ԳՅՈՆԻԳ

Արքեպիսկոպոս Վիեննայի

Վ Ի Ե Ն Ն Ա

Զերդ Սրբություն.

Եղբայրական սիրո և ուրախության զգացումով սրտագինս ողջունում եմ Ձերդ Սրբությանը՝ ա. Ծննդյան տոնի և Ամանորի առթիվ:

Աղոթելով, ցանկանում եմ Ձեզ քաջատոլջություն, երջանկություն՝ ի բարօրություն Ձեզ և հայ հին եկեղեցուն:

«Փառք ի բարձունս Աստուծոյ, եւ՝ յերկիր խաղաղութիւն, ի մարդիկ հանութիւն» (Ղուկ. Բ 14):


Յ. Պ. ՄԱՏՈՒԻՍ

Լատինական ՍՍՀ ավետարանական-լուսերական
եկեղեցու արքեպիսկոպոս

Ռ Ի Գ Ա

Զերդ Սրբություն.

Ընդունեցեք իմ սրտագին շնորհավորանքները՝ ա. Ծննդյան տոնի և Ամանորի առթիվ: Ձեր եկեղեցաշեն գործունեության մեջ Ձեզ ցանկանում եմ քաջատոլջություն, հաջողություն:



Մարդացյալ Քրիստոսը թող ամրապնդի խաղաղությունը ժողովուրդների միջև և առատորեն պարգևի Իր շնորհները ողջ մարդկությանը:

Զերդ Սրբությանը նվիրյալ եղբայր ի Քրիստոս՝

ԱԼՖՐԵԴ ՏՈՈՄԻՆԳ.

Էստոնական ՍՍՀ ավետարանական-լուսերական
եկեղեցու արքեպիսկոպոս

Տ Ա Լ Լ Ի Ն

*
* *

Վեհափառ Տեր.

Նոր տարիի և մեր Տիրոջ Քրիստոսի ա. Ծննդյան տոնական օրերուն աղթիվ մեր խորհուրդները մասնավորապես կուղղվին դեպի Էջմիածին՝ Իջման սեղանին՝ ուր Աստուծո Որդին ինքզինք մասնավորապես հայտնեց և այդ հայտնությունեն լուսավորվեցաւ մեր սիրեցյալ ազգն հայոց, և այսօր այդ լույսը կշողափայլի Զեր Սրբության Հայրապետական մականին տակ: Մեզ աղոթքն ու մաղթանքն է Զեր վաթսունամյա տարեդարձին՝ արևշատություն ու Աստուծո առատ օրհնությունները՝ որպեսզի ա. Լուսավորիչի ջանք միշտ վատ մնա ի պայծառություն հայ առաքելական եկեղեցւո և ի լուսավորություն բո-վանդակ հայ ազգին մայր հայրենիքի մեջ և այլուր:

Կմաղթենք որ Խաղաղության Իշխանը Իր ներգործությամբ գոտեպնդէ մեզ հավատարիմ ծառաներ ըլլալու և հաշտության ու խաղաղության հոգին պարգևէ համայն աշխարհի: Օրհնյալ ըլլա Քրիստոսի ծնունդը:

«Երկինքի բարձրության մէջ Աստուծոյ փառք, ու երկրի վրայ խաղաղու-թիւն, մարդոց մէջ հանութիւն»:

Եղբայրական սիրով և հարգանք, Զերդ՝ Քրիստոսի ծառայակից՝

ՎԵՐԱՊԱՏՎԵԼԻ ՀՈՎՀԱՆՆԵՍ Փ. ԱՀԱՐՈՆՅԱՆ

Նախագահ Մերձավոր Արեւելքի հայ ավետարանական
եկեղեցիներու միության

Բ Ե Յ Ր Ո Ւ Թ

*
* *

Զերդ Սրբություն.

Զեր նամակի ընտիր արտահայտությունները, մտածման և ոգեկանության իրենց վեհությամբ, մի անգամ ևս համակեցին ինձ ակնկալվածից ավելի և մարդկանց խաղաղության համար դժվարին այս ժամանակներում ճշմարիտ մխիթարություն հանդիսացան ինձ համար, ինչպիսին կհանդիսանար առաքե-լական մի նոր թողութ:

Խորապես շնորհակալ եմ Զերդ Սրբությանը այն ազնիվ ցանկությունների և բարեմաղթությունների համար, որ բարեհաճել էիք հղել ինձ այնքան հեռա-վոր, բայց և այնքան մոտիկ ու այնքան սիրելի Հայաստանից:

Միացնելով իմ խոնարհ աղոթքները Զերդ Սրբության աղոթքներին, հալ-ջում եմ Տիրոջ շնորհները վասն խաղաղության ամենայն աշխարհի:

Ձերդ Սրբությանը ներկայացնելով իմ անկեղծ և խոնարհ հարգանքները, ինչպես նաև իմ բարեմաղթությունները Ձեր քաջատողջության և ձեր եպիսկոպոսների, քահանաների և հավատացյալ ժողովրդի երջանկության համար, խնդրում եմ Ձեզ ընդունել իմ հարգալից սիրո ամենաշերտ զգացումները:

ԺԱՆ ՌՅՈՒՊ

Եպիսկոպոս Մոնակոյի

Մ ՈՆ Ա Վ Ո

*
* *

Ձերդ Սրբություն.

Հանգեցեք ընդունել իմ եղբայրական բարեմաղթությունները՝ սուրբ Ծննդյան և Ամանորի առթիվ: Ցանկանում եմ Ձեզ երջանկություն, բախտավորություն:

ԿԱՐԴԻՆԱԼ ԱՂԱՋԱՆՅԱՆ

Վ Ա Տ Ի Կ Ա Ն

*
* *

Վեհափառ Տեր.

Մեծ և սքանչելի խորհուրդին աստվածային լույսով և շնորհապլյուտ պարգևներով աղեցուն, հաճույքով կու գամ Ձերդ Վեհափառության և ս. Էջմիածնի համորեն ուխտիդ ներկայացնելու միաբանությանս և իմ ջերմ բարեմաղթությունները, մերձավոր սուրբ Ծնունդի և Ամանորի բարեպատենի ստիքներով:

Բեթղեհեմի քարայրին մեջ ծնած նոր Արքան՝ խաղաղության հզոր Իշխանն է, արդարության Արեգակն ինքնին: Թող Անոր պայծառ շողերը փարատեն ամեն միայր ու խոշ՝ լուսավորելու համար բոլոր արարածները. և մարդկությունն համայն, գերթ խոնարհ հովիվներն ու աստվածավախ մոգերն արևելքի, երկրպագե ճշմարիտ Լույսին, որ Հորմեն ծագեցավ և սուրբ կույսեն մարմնացավ:

Այս զգացումներով համակված, քաղցր է մեզի հոգեբուխ աղոթքներ բարձրացնել առ նորածինն Հիսուս՝ Ձերդ Վեհափառության կենաց և արևշատության համար, մաղթելով իրագործում Ձեր բոլոր սուրբ իղձերուն, աստվածահաճու և ազգանվեր ծրագիրներուն, ի պայծառություն ս. եկեղեցվո և մեր ժողովուրդին:

Ամենախորին մեծարանքով՝

Հ. ՀՄԱՅԱԿ ՎԱՐԴԱՊԵՏ ԿԵՏԻՎՅԱՆ

Ընդհ. արքանայր Մխիթարյան միաբանության

Վ Ե Ն Ե Տ Ի Կ

*
* *

Վեհափառ Տեր.

Ձեր օրհնությունաբեր գրին ու մաղթանքներուն համար կհաշտնեմ խորին շնորհակալությունս:

Թույլ տվեք, Վեհափառ Տեր, որ Փրկչին ս. Ծննդյան տոնին և Ամանորյա առիթով մաղթեմ Ձեզի՝ փոխադարձաբար, երկնատաք օրհնությամբ՝ խնդություն անխտով, առողջություն անասան, հաջողություն անխափան, բերրի գործունեություն հարանուն և շինարար, Աստուծո ժողովուրդին մեջ հունձք պտղատառ և արևշատության տարիներու երկար շարք մը:

Աղոթանվեր մաղթանքով կհայցեմ Նորածին աստվածային Մանուկեն, որ մամայն աշխարհը լսե հրեշտակներու ավետիսը և երկրիս վրա՝ հոգիներու մեջ ամենուրեք տիրե խաղաղությունը, «որ ի վեր է քան զմիտս»:

Թող հավատացյալ հայ ժողովուրդը հայրենիքի մեջ և ի սփյուռս աշխարհի՝ բոլորե անդորր ու բարգավաճ, 1970 տարին:

Փառք ի բարձունս, խաղաղություն երկրի վրա, խնդություն հոգիներու:

Հարգանքի ջերմ զգացումներով մնամ Վեհափառ Տերությանդ աղոթակից՝

ՄԵՍՐՈՊ ՀԱՊՈԶՅԱՆ

Արքեպ. և Ընդհ. աբբահայր
Մխիթարյան միաբանության

Վ. Ի. Ծ. Ն. Ա.

